

۳۰ ایلدن زیاده صداقت دولو دوستلوغوموزون قدری نین بیر نچچه بیت له ادا  
ا ئدیلمه سی نین نه قدر امکانسیز اولدوغونو بیله ر ک، بو شعر ی اولدوز کیمی  
آخیب کئچمه سیندن ماتمه بوغولدوغومون نشانه سی کیمی عزیزیم خانعلی  
صیامی نین شرفلی خاطره سینه تقدیم ائدیرم. اصغر فردی - قیش - طهران

## گئتدی «صیامی» ده الیم دن

دنیا ایشی دوغماق دی بؤیو تمک دی قتیل دیر  
دؤرد ال له بو دنیانی توتان گؤر نه ذلیل دیر

چرخین سازی چپ کؤک دور اؤزو - گردش ی ناساز  
صینمش چاناغی، تئل لری لال دیر، بمی زیل دیر

آلدانما صاری دونلو گؤرونجه او دم اصلا  
صانما کی قیزیل دیر گؤز لیم، بلکه قزیل دیر

ایندی گل او سؤز قانمازا بو مطلبی قان دیر  
ایندی گل او درد آنلامازا درد یوی بیل دیر

یار - یولداشی نین کؤچمه سی انسانی قوجالدار  
صانما کی قوجالداران کیشینی آی ایله ایل دیر

دویدوم کی دونن گئندی «صیامی» ده الیمدن  
دنيا بو سبب دن بلی داستان دی، نغیل دیر

بیرده دوغا بیلمز قوجا دنیا اونا تای مرد  
قیصقانج دیر او، داردی گۆزو، ذاتی پخیل دیر

تقدیر ایشی دیر، باشقا نه وار ال ده آووج دا؟  
بو غم ده بیزه تک یاراشان صبر جمیل دیر

بیر شئی وئررک بخت آلا بیر شئی الیندن  
صبر ائت بونا چون صبره جزا اجر جزیل دیر

او بند قالاسی اوغلو، کلیبر بالاسی ایدی  
اجدادی «نباتی» لره تای کهنه نسیل دیر

او بیرجه اتک گۆز یاشینا بنزه دیلردی  
قوپدو گیلهدن، آخدی گوله، داملادی گیلدیر

کوسموشدو، بوزوشموشدو، داریخمیشدی صانارسان  
باتمیش غمه دوشموش چمه گۆردوم اونو بیلدیر

هر کس کیمی باخمازدی گۆزون پنجره سیندن  
شاهد بو سۆزه چکدیگی مین لرجه شکیل دیر

بیر «اۆز» دو او بیر جوت ده گۆز اوندا گۆرونن لر  
انسان دا دا بیر جه «گۆز» ایله بیر «اۆز» اصیل دیر

«اۆز» دن دوغولور اۆزلهمک، اۆزگورلوک، الهی  
اۆزدن صوای آلنیمدا اولان هر سۆزو سیلدیر

گۆزدن ده گۆزل لیک توره یر گۆز یاشی - گۆزله  
تورکی بئله بیر خارقه لی معجزه دیل دیر

هر کس الینه دوریین آلا «خانعلی» اولماز  
اوندان قالان آثار بو دعوایه دلیل دیر

تبریزی دی عکاس آدینی ایلك قازانمیش  
بو فن «ملک قاسم» ین آدی یله اصیل دیر

تبریزی چکن دوریینی ایله صوراً ثبته  
«اخلاقی» و «سعدین» ایله «عکاس باشی» گیلدیر

«رسام» ایدی بیرده بو ایشین اوستادی، صوراً  
«یاسین» دی تبریزده بیرده بو طیفیل دیر

بو شعر «صیامی» نین امک حقین اؤدرمی؟  
«فردی» اونا لایق اولاجاق بحر طویل دیر